

SAMÞYKKT

um breytingu á samþykkt um stjórn Sveitarfélagsins Voga nr. 925/2013, með síðari breytingum.

1. gr.

1. mgr. 8. gr. samþykktarinnar orðast svo:

Bæjarstjórn Sveitarfélagsins Voga heldur reglulega fundi bæjarstjórnar alla jafna síðasta miðvikudag mánaðar, kl.18:00. Fundarstaður er á bæjarskrifstofum nema annað sé tekið fram í fundarboði.

2. gr.

Eftirfarandi breytingar verða á 16. gr. samþykktarinnar:

a) H-liður 2. mgr. orðast svo:

Telji forseti umræður dragast úr hófi fram getur hann lagt fram dagskrártillögu um að ræðutími hvers bæjarfulltrúa verði takmarkaður, umræðum verði lokið á tilteknum tíma eða að umræðum um mál verði lokið þá þegar. Hver bæjarfulltrúi getur og borið fram slíkar tillögur. Bæjarstjórn afgreiðir tillögur um takmörkun umræðna umræðulaust. Ekki má þó takmarka umræðu um mál meira en svo að hún standi skemur en í tvær klukkustundir ef einhver bæjarfulltrúi kveður sér hljóðs.

b) Við 2. mgr. bætist nýr liður, sem verður m-liður, og orðast svo:

Ritun fundargerða. Bæjarstjórn getur ráðið fundarritara utan bæjarstjórnar til að annast ritun fundargerða í gerðabók bæjarstjórnar eða falið starfsmanni ritun funda. Í fundargerð skal getið hvar og hvenær fundur er haldinn og hverjir sitji fundinn. Skrá skal þau dagskrármál sem tekin eru fyrir, heiti þeirra og skjalanúmer, og hvernig afgreiðslu þau hljóta, sbr. staflíð c hér að ofan. Sé erindi ekki afgreitt samhljóða skal greina í fundargerð hvernig atkvæði hafa skipst. Erindi sem tekin eru fyrir á lokuðum fundum skal skrá sem trúnaðarmál.

Í lok fundar skal fundargerð lesin upp og skulu allir viðstaddir fundarmenn undirrita hana nema bæjarstjórn ákveði annað.

Bæjarstjórn getur ákveðið að fundargerðir verði skráðar rafrænt. Verði það gert skal bóka í gerðarbók bæjarstjórnar númer fundar, hvar og hvenær fundurinn er haldinn og að fundargerð sé færð rafrænt. Þá skal færa í gerðarbók fundarslit og greina blaðsíðutal fundargerða.

Viðstaddir bæjarfulltrúar, og eftir atvikum ritari, skulu rita nöfn sín við slit fundar í gerðabókina. Í lok fundarinnar skal rafræn fundargerð prentuð út og hún undirrituð að viðstöddum bæjarfulltrúum, og eftir atvikum ritara. Einnig skal forseti og a.m.k. einn fundarmanna setja upphafsstarfi sína undir hverja blaðsíðu fundargerða sem blaðsíðusettar skulu í áframhaldandi töluröð. Undirritaðar tölvuskráðar fundargerðir skulu reglulega bundnar inn til varanlegrar varðveislu. Bæjarfulltrúi sem gera vill athugasemd við eitthvert atriði í fundargerð getur undirritað fundargerðina með fyrirvara um það atriði.

Bæjarstjórn getur ákveðið að umræður á bæjarstjórnarfundi verði hljóðritaðar eða teknar upp með öðrum hætti, þeim útvarpað gegnum ljósvakamiðla og/eða netmiðla. Verði það ákveðið skal bæjarstjórn setja um það nánari reglur. Um ritun fundargerða bæjarstjórnar vísast að öðru leyti til auglýsingar samgöngu- og sveitarstjórnarráðuneytisins um leiðbeiningar um ritun fundargerða sveitarstjórna nr. 22/2013.

3. gr.

1. mgr. 37. gr. samþykktarinnar orðast svo:

Fundargerðir bæjarráðs, fræðslunefndar, frístunda- og menningarnefndar, umhverfisnefndar og skipulagsnefndar skulu lagðar fyrir bærstjórn til kynningar eða afgreiðslu og staðfestingar. Fundargerðir annarra nefnda, ráða og stjórna skulu lagðar fyrir bæjarráð til kynningar eða afgreiðslu og staðfestingar.

4. gr.

B-liður 47. gr. samþykktarinnar orðast svo:

1. *Almannavarnarnefnd Suðurnesja*. Einn aðalmann og einn til vara skv. 9. gr. laga um almannavarnir nr. 82/2008.
2. *Heilbrigðisnefnd Suðurnesja*. Einn fulltrúa og einn til vara skv. ákvæðum 11. gr. laga um hollustuhætti og mengunarvarnir nr. 7/1998.
3. *Brunavarnir Suðurnesja bs*. Einn aðalmann og einn til vara skv. stofnsamningi.
4. *Fulltrúar á landsþing Sambands íslenskra sveitarfélaga*. Tvo aðalmenn og tvo til vara, sbr. 4. og 5. gr. samþykktar Sambands íslenskra sveitarfélaga.
5. *Samband sveitarfélaga á Suðurnesjum*. Einn aðalmann og einn til vara skv. 6. gr. samþykktar S.S.S. frá 8. september 2018.
6. *Stjórn Köllu sorpeyðingarstöðvar sf*. Einn aðalmann og einn til vara, sbr. 6. gr. samþykktar fyrir félagið eins og þeim var síðast breytt 27. ágúst 2018.
7. *Heklan – atvinnuþróunarfélag Suðurnesja*. Tilnefna skal fulltrúa í stjórn í samræmi við gildandi erindisbréf og samþykktir um stjórn Atvinnuþróunarfélags Suðurnesja.
8. *Reykjanes jarðvangur ses*. Tilnefna skal fulltrúa í stjórn í samræmi við gildandi samþykktir Reykjanes jarðvangs ses.
9. *Öldungaráð*. Skipa skal í öldungaráð á grundvelli 2.mgr. 38. gr. laga nr. 40/1991, um félagsþjónustu sveitarfélaga (með síðari breytingum), með hliðsjón af 8. gr. laga nr. 125/1999, um málefni aldraðra (með síðari breytingum). Skipa skal þrjá fulltrúa og þrjá til vara eða samkvæmt sérstöku samkomulagi við önnur sveitarfélög vegna samstarfs um öldrunarþjónustu.

6. gr.

6. mgr. 49. gr. samþykktarinnar orðast svo:

Bæjarritari er staðgengill bærstjóra.

7. gr.

52. gr. samþykktarinnar orðast svo:

Forstöðumenn stofnana sveitarfélagsins ráða starfsmenn sinna stofnana, bæði fastráðna og lausráðna, og veita þeim lausn frá störfum, nema vald til slíks sé með lögum fengið öðrum aðilum eða á annan veg mælt fyrir í reglugerðum um sérmál tiltekinna stofnana.

Samþykkt þessi sem bærstjórn Sveitarfélagsins Voga hefur sett skv. ákvæðum 9. og 18. gr. sveitarstjórnarlaga nr. 138/2011, staðfestist hér með til að öðlast þegar gildi.